

OKVIRNI SPORAZUM
za nabavku i sukcesivnu isporuku lož ulja za potrebe kotlovnice zgrade uprave
ul.Branilaca Sarajevo 21
(LOT 3)

I SPORAZUMNE STRANE

KJP ZOI'84 OCS d.o.o.

Sjedište – Alipašina bb, 71000 Sarajevo
Koje zastupa vršilac dužnosti direktora prof. Kenan Magoda
Identifikacijski broj: 4200347000004
(u daljem tekstu: **Kupac**)

i

GREEN OIL d.o.o.

Sjedište: Marka Marulića br.4, 71000 Sarajevo
Kojeg zastupa direktor Reko Muhović
Identifikacijski broj: 4200851420006
Identifikacijski broj obveznika PDV-a: 200851420006
Transakcijski broj banke, ime i sjedište banke: 1410010012763037 BBI Banka Sarajevo
(u daljem tekstu: **Prodavac**)

II PREDMET SPORAZUMA

Član 1.

Predmet ovog Sporazuma je nabavka i sukcesivna isporuka lož ulja za potrebe kotlovnice zgrade uprave ul.Branilaca Sarajevo 21 za potrebe Kupca prema Tenderskoj dokumentaciji, broj:521-1/19 od 20.02.2019.g. i ponudi Prodavca, broj: 70-03/19 od 12.03.2019. godine, koji su u prilogu ovog Sporazuma i čine njegov sastavni dio.

III OBAVEZE PRODAVCA

Član 2.

Prodavac se obavezuje da:

- a) će izvršiti urednu realizaciju ugovora, da štiti interese Kupca, te obavještava o toku realizacije ugovora;
- b) u slučaju promjene (povećanje/smanjenje) jediničnih cijena iz ugovorne specifikacije dostavi Kupcu obavijest o važećim maloprodajnim cijenama lož ulja;
- c) vrši isporuku lož ulja sa kvalitetom u skladu sa važećim standardima i priloženim certifikatom o kvalitetu;
- d) na zahtjev Kupca periodično dostavlja atest o kvalitetu lož ulja izdat od nadležnog organa;
- e) snosi sve posljedice koje nastanu po osnovu odstupanja ako rezultati analize nisu u skladu sa važećim propisima;
- f) nadoknadi svu štetu utvrđenu od strane nadležnog organa koja je nastala isporukom neadekvatnog i nekvalitetnog lož ulja;
- g) izvrši isporuku lož ulja sa ovjerenim pismenim nalogom potpisanim od odgovornog lica i vozača;
- h) Kupca svrstati u „prioritet” što znači da će u svakom momentu imati posebno rezervisane količine lož ulja;

- i) dostavlja fakture razdvojeno po korisnicima.

IV CIJENA I NAČIN PLAĆANJA

Član 3.

(1) Okvirni Sporazum se zaključuje sa ukupnom vrijednosti u iznosu od **50.000,00 KM** (Slovima: pedesethiljada i 00/100 konvertibilnih maraka) bez uključenog PDV-a, odnosno **58.500,00 KM** (Slovima: pedesetosamhiljadapetstotina i 00/10 konvertibilnih maraka) sa uključenim PDV-om

(2) Roba iz člana 1. ovog Sporazuma će se plaćati prema utvrđenoj jediničnoj cijeni bez uključenog PDV-a po litru goriva iz Ponude Prodavca, broj: 70-03/19 od 12.03.2019. godine.

(3) Okvirni Sporazum zaključuje se na bazi promjenjive jedinične cijene, prema sljedećim pravilima:

- a) referentna prosječna cijena motornih goriva utvrđuje se na osnovu saopštenja Agencije za statistiku BiH, Prosječne potrošačke cijene u BiH, za mjesec u kojem je izvršeno otvaranje ponuda;
- b) referentna ponuđena cijena motornih goriva je jednična cijena iz ponude ponuđača sa uračunatim ponuđenim popustom;
- c) u slučaju da, u mjesecu za koji se vrši obračun (prethodni mjesec), prosječna cijena motornih goriva, prema saopštenju Agencije za statistiku BiH, odstupa za +/- 5% u odnosu na referentnu prosječnu cijenu motornih goriva, dobavljač ili naručilac mogu tražiti korekciju cijene goriva za taj mjesec;
- d) korekcija ponuđene cijene vrši se u procentu (+ ili -, zaokruženo na dvije decimale) za koji je promjenjena referentna prosječna cijena, a vrši se u odnosu na referentnu ponuđenu cijenu;
- e) novoformirana jedinična cijena će služiti kao osnova za fakturisanje novih isporučenih količina, sve do nove korekcije cijene, odnosno sve do zahtjeva jedne od ugovornih strana za korekcijom cijene;
- f) podaci o prosječnim cijenama motornih goriva dostupni su na web stranici Agencije za statistiku BiH, <http://www.bhas.ba/saopstenja>.

Član 4.

(1) Sporazumne strane su saglasne da se fakturisanje i plaćanje motornog goriva iz člana 3. ovog Sporazuma izvrši sukcesivno po ispostavljenim mjesečnim fakturama, u roku od 60 (šezdeset) dana nakon ispostavljanja, a uz prezentaciju slijedećih dokumenata:

- a) komercijalna faktura sa fiskalnim računom/računima sa opisom, količinom i vrstom goriva, jediničnim cijenama i ukupnim iznosom,
- b) na fakturi obavezno navesti broj Ugovora.

Član 5.

Za koordinaciju operativnih aktivnosti na realizaciji ovog Sporazuma, na način i u ugovorenim rokovima, imenuju se:

- za Kupca: Haris Smailhodžić, telef: 033/276-142;
- za Prodavca: Amra Dervišević, telef: 033/572-600.

V STUPANJE NA SNAGU I RJEŠAVANJE SPOROVA

Član 6.

(1) Ovaj Sporazum stupa na snagu danom obostranog potpisivanja od strane ovlaštenih lica sporazumnih strana, a zaključuje se na period od 12 mjeseci.

(2) Kupac će predmet Sporazuma iz člana 1. nabavljati sukcesivno i zavisno od svojih potreba za vrijeme trajanja ovog Sporazuma.

(3) U slučaju kašnjenja u isporuci roba do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

(4) Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Kupac nije mogao uticati niti ih predvidjeti.

Član 7.

U sporazumnom periodu, sporazumne strane imaju pravo da za predmet sporazuma opisan u članu 1. ovog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama Bosne i Hercegovine, u pogledu svakog od ugovora koji su zaključeni po osnovu ovog okvirnog Sporazuma.

Član 8.

(1) Svaka od sporazumnih strana može pokrenuti postupak raskida sporazuma ako druga strana ne izvršava preuzete utvrđene obaveze, uz otkazni rok od 15 dana.

(2) Kupac može u bilo koje vrijeme raskinuti Sporazum davanjem obavijesti Prodavca ako isti bankrotira ili na drugi način postane nesolventan. U takvom slučaju raskid će biti bez kompenzacije Prodavcu, pod uslovom da takav raskid ne utiče na bilo koje pravo na akciju ili pravni lijek koji je nastao ili će se pojaviti za Ugovornog organa nakon toga.

Član 9.

Eventualno nastale sporove pri realizaciji ovog Sporazuma, sporazumne strane će rješavati mirnim putem, u protivnom ugovara se nadležnost suda opšte stvarne nadležnosti u Sarajevu.

VI OSTALE ODREDBE

Član 10.

Prodavac nema pravo da u svrhu izvršenja ovog Sporazuma zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu ovog Sporazuma.

Član 11.

Za sve što nije regulisano ovim Sporazumom primjenjivaće se odredbe propisa Zakona o obligacionim odnosima u Bosni i Hercegovini.

Član 12.

Punovažne i obavezujuće su samo one izmjene i dopune ovog Sporazuma koje su sporazumne strane sačinile sporazumno i u pisanoj formi.

Član 13.

Ovaj Sporazum je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

Za Prodavca

Za Kupca

Reko Muhović, direktor

prof. Kenan Magoda, v.d.direktor

Datum: _____2019. godine

Broj:

Datum: 24.07.2019. godine

Broj: 2023/19